



19. juni 2012

Inatsisartut suleriaasaanni § 37 tunngavigalugu matumuuna apeqquteqaatit matuma ataani allasimasut Naalackersuisunut apeqqutiginiappakka:

Naalackersuisunut apeqquteqaatit:

1. Naalackersuisut ilaatigooriarlutik allakkatigut saaffiginnissutitut akissuteqaangitsoortarnerannut suna pissutaava?

2. Naalackersuisut qinnuvigineqassapput allakkatigut saaffiginnissutit akisinngitsoornerup pitsaaqutaanik taasaqaqqullugit.

(Inatsisartunut ilaasortaq Jørgen-Ole Nyboe Nielsen, Demokraatit)

Tunngavigisaq:

Uvanga isumaqarpunga Naalackersuisut innuttaasunit, soqutigisaqaqatigiinniit, pisortanit allanit assigisaannillu allakkatigut saaffiginnissutitut akissuteqaassallutik pisussaasut. Piffissap naapertuuttup iluani akissuteqarnissamut periarfisaqaangikunik Naalackersuisut allakkatigut saaffiginnissummik tiguisisimanertik qaqugulu saaffiginnittoq akissuteqarfineqarumaartoq allakkatigut nalunaarfigisussaallugu.

Tamakkua saniatigut taamatut pisoqartillugu apeqquteqaateqartoq nalunaarfigineqassasoq suliamut tunngatillugu kina taaveqaataassanersoq nalunaarfigineqartariaqaraluarluni, kiisalu saaffiginnissutit qaqugu akineqarnissaata naatsorsuutigineqarsinnaanera nalunaarutigineqarluni.

Tamanna Naalackersuisut allaffeqarfiini tamani periutsitut nalinginnaasutut atorneqartariarlualarluni.

Pingaartunik allakkatigut saaffiginnissutit tamarmiusut suliarineqarnissaat akissuteqaateqarfineqarnissaallu Naalackersuisut immikkut isumannaartariaqarpat, tassa qisuariaateqaanginneq innuttaasut sullinneqarneranik malunaatilimmik ajorseriartitsinissamik kinguneqassanngippat, pingaartumillu matumani innuttaasut inatsisitigut aalajangersakkanik pisinnaatitaaffeqarnerannik sanequtsineq ilaatinneqarpat.

Ukiut kingulliit marlussuit ingerlanerini Naalackersuisut arlaleriarlutik allakkatigut saaffiginnissutitut akissuteqaangitsoortarnerat ilisimavara, ilaatigut innuttaasut inatsisitigut aalajangersakkamik sunngiffimmi atuartitsineq itigartilluinneqarsimalluni. Taamatut pissusilersorneq isumakulunnartutut isigaara, tassa Naalackersuisut innuttaasunik sullissinissamut isumaqatigiissut allakkatigoortumik atorunnaarsinneqarmat qisuariarfiginngimmassuk, tamatumalu kingunerisaa-nik inatsisitigut aalajangersakkanik pisinnaatitaaffiannik innuuttaasut sullinneqarnissamik pisinnaatitaaffigisaannik pissarsisinnajunnaarsinneqarmata.



Saaffiginnissutit allakkatigoortut, tassa Pituffimmi Borgerrådip Naalakkersuisunut allagarisai:
tassaapput:

- j. nr. 2011-001 ulloq 2. januar 2011, Naalakkersuisoq Mimi Karlsen-imut ingerlatitaq
- j. nr. 2011-003 ulloq 17. januar 2011, Naalakkersuisoq Anton Frederiksen-imut ingerlatitaq
- j. nr. 2011-013 ulloq 10. marts 2011, KIIN-imut ingerlatitaq
- j. nr. 2011-014 ulloq 14. marts 2011, Naalakkersuisoq Anton Frederiksen-imut ingerlatitaq
- j. nr. 2012-008 ulloq 2. april 2012 IKINN-imut ingerlatitaq
- j. nr. 2012-009 ulloq 30. april 2012 IKINN-imut ingerlatitaq
- j. nr. 2012-010 ulloq 30. april 2012 IKINN-imut ingerlatitaq

Ullut suliffiusut qulit qaangiutsinnagit akissuteqarfigineqarnissara piumasaraara.